

能知稱量佛事及自然薩云若者云何為不可限事與須菩提佛事不可限如來事亦無有限一切無有與如來等者況欲出其上是故般若波羅蜜諸如來無所著等正覺為無有限事與須菩提白佛言世尊佛事如來事自然事薩云若不可思議不可稱量為不可

限耶佛言如是如是須菩提是佛事自然事如來事薩云若事不可思議不可稱限佛語須菩提五陰乃至薩云若不可思議不可稱限須菩提諸法之法索意以想亦不可得佛言五陰不可思議不可稱限乃至薩云若不可思議須菩提言何以故世尊言五陰不可

思議無有與等者乃至薩云若亦不可思議無有與等者佛言五陰不可為作限乃至薩云若亦不可為作限須菩提言世尊何以故五陰薩云若不可為作限佛言五陰乃至薩云若不可思議故不可與作限於須菩提意云何不可思議不可限中寧可得五陰及與

道不須菩提言世尊不可得以此是故須菩提諸法不可思議不可得限如來之法不可思議無有與等不可得限亦不可量是為不可思議所說亦不可思議虛空不可思議亦無有與等者須菩提是如來之法非世間人及諸天阿須倫所能思議說如來不可思議不

可稱量不可得限說無有與等品時五百比丘二千比丘尼漏盡意解六萬優婆塞三萬優婆夷遠塵離垢法眼生二十菩薩得無所從生法忍皆當於是賢劫中作佛

放光摩訶般若波羅蜜經卷第十六

放光般若波羅蜜經卷第十七 重七

西晉三藏無羅叉共竺叔蘭譯

大事與品第五十一

尔時須菩提白佛言世尊是般若波羅蜜甚深甚深為大事與不可思議不可稱量無有與等不可得限佛言如是須菩提般若波羅

蜜爲大事興爲無有與等事興何以故須菩提五波羅蜜者等從中得成與般若波羅蜜相應內空外空及有無空等從般若波羅蜜中出三十七品十力十八法等從中出與般若波羅蜜相應佛地薩云若慧等從中出與王諸小國有事各自成辦轉輪聖王亦無所憂所以者何諸小國王素已受聖王教令故是故不復憂諸弟子法辟支佛法諸菩薩法及諸佛法等從般若波羅蜜出般若波羅蜜者爲辦其事是故須菩提般若波羅蜜爲大事興爲無有與等事興不受五陰不入五陰爲應不受不入乃至薩云若亦須陀洹道至羅漢道辟支佛道亦不受不入乃至阿耨多羅三耶三善不受不入須菩提白佛言世尊云何五陰不受不入乃至阿耨多羅三耶三善不受不入佛告須菩提於意云何頗見五陰有所入有所受不須菩提言不見世尊

乃至阿耨多羅三耶三善亦不受不入須菩提言世尊亦不見五陰有受有入亦不見三耶三佛有受有入佛言善哉善哉須菩提我亦不見五陰我亦不受持五陰乃至三耶三善我亦不見亦不受持不見所入須菩提我於佛地亦不見薩云若亦不見如來事亦不受亦不持是故須菩提菩薩摩訶薩亦不當受五陰亦不當入五陰於佛事薩云若事如來事亦不持亦不入諸欲天子諸色天子俱白佛言世尊般若波羅蜜甚深難了不可思議甚深微妙是智者所知解深般若波羅蜜者世尊皆是過去佛時所作功德善本所致與真知識相得所致世尊假令三千大千世界一切衆生皆信三尊盡得須陀洹斯陀含阿那含阿羅漢辟支佛是諸聖賢所可有慧所有道德不如是善男子善女人於是深般若波羅蜜中可念觀稱樂一日之中其德出彼上何以故從須陀洹上至辟支佛智及信

重

放光十七

二

十

至無所從生法忍諸天子不如是善男子善  
女人於深般若波羅蜜中書持諷誦守行一  
日疾得泥洹勝羅漢辟支佛道所作功德或  
過一劫奉行餘經離般若波羅蜜不住薩云  
若也何以故於是深般若波羅蜜中廣說三  
乘令諸羅漢辟支佛各得其信不失所應諸  
菩薩摩訶薩亦於中成阿耨多羅三耶三菩  
於是諸色天子諸欲天子同時嘆言世尊是  
摩訶般若波羅蜜不可思議於是中出信樂  
使諸聲聞各得所應成須陀洹斯陀含阿那  
含阿羅漢辟支佛道又使諸菩薩摩訶薩得  
成阿耨多羅三耶三菩阿惟三佛是深般若  
波羅蜜亦不增亦不減諸色天子諸欲天子  
各以頭面著地為佛作禮遶佛三匝已去去  
是不遠忽然不現各還天上須菩提白佛言  
若有善男子善女人聞是深般若波羅蜜即  
解者於何所來而生是問佛告須菩提若善  
薩摩訶薩聞是深般若波羅蜜即解不厭亦

不狐疑又亦不礙意常思念欲樂得聞終不  
遠離若行若起若坐若卧常隨法師意不遠  
離須菩提譬如新生犢子意終不欲遠離其  
母是善男子善女人聞是深般若波羅蜜諷  
誦上口樂喜守行解其中義意亦不欲遠離  
法師須臾之間是善男子善女人本從人道  
中來今生是問復得為人所以者何以是善  
男子善女人前世時聞是深般若波羅蜜書  
持諷誦守行中事供養花香繒蓋幢幡以是  
功德從人道中來今得深般若波羅蜜聞便  
即解須菩提白佛言世尊頗有菩薩摩訶薩  
如佛所說所作功德善本具足供養諸佛復  
放光十七  
有從彼來生是問復得深般若波羅蜜書持  
諷誦信樂守行有是者無佛告須菩提有從  
他方供養諸佛從聞深般若波羅蜜以是故  
來生是問復得深般若波羅蜜聞便即解信  
樂守行復次須菩提當知是菩薩摩訶薩從  
兜術天上亦復具足功德善本何以故是善

薩從彌勒菩薩所聞是深經以是故今來生是間得深般若波羅蜜聞便即解信樂守行須菩提若有菩薩於深般若波羅蜜有狐疑獸意者是人前世時聞深般若波羅蜜不問中慧是故今來雖生是間聞六波羅蜜意續狐疑不信不受亦不喜樂復次須菩提是人

本聞內空空外空及有無空亦不問中事是故今續不信不樂是人前世聞三十七品佛十八法不信不樂不問中事是故今來聞般若波羅蜜驚恠狐疑不信不樂復次須菩提若有菩薩聞般若波羅蜜從一日至五日常問中事用是故所生處常得聞深般若波羅蜜終不離所問何以故須菩提是菩薩但能得聞問其中事於行未備須菩提若有人或時欲聞般若波羅蜜若不欲聞志不堅固或能於中起餘因緣譬如輕衣隨風東西當知是菩薩適學未久不得真知識未供養過去諸佛不作功德善本所致不勤學諷誦所致未

得六波羅蜜所致未得內外空及有無空所致不學六通三十七品薩云若所致當知是新學少樂於法不能書持般若波羅蜜受學諷誦亦未能習行其事須菩提若有善男子善女人行菩薩道者得深般若波羅蜜不念書持諷誦守行乃至薩云若亦復不念學受

重

放光十七

四

才

親近故當知是輩或墮二地所以者何是善男子善女人見深般若波羅蜜不念書持受學親近故也是故其人便入二地當墮羅漢辟支佛道地

放光般若波羅蜜經譬喻品第五十二  
佛告須菩提譬如大海中船卒破壞其船中人不取板木及取死人而抱持者知彼人終不能得度皆當俱沒所以者何用各不取所依持故其人若取板木檣者徑便得渡身得安隱用取所依而以自濟須菩提若有善男子善女人行菩薩道者於信樂少雖得深般若波羅蜜不諷誦受不依親近不習行六波



羅蜜乃至薩云若亦不親近當知是人中道有礙不能逮得至薩云若當取羅漢辟支佛證須菩提若有善男子善女人行菩薩道於阿耨多羅三耶三善有信樂有能有念有解有施有行得深般若波羅蜜書持受學親近諷誦當知其人能受持深般若波羅蜜成阿

耨多羅三耶三善至薩云若終不中礙墮羅漢辟支佛道能教化衆生淨佛國土須菩提譬如有人持坏瓶行取水當知不久如是爛壞所以者何用未成熟故須菩提若有善男子善女人行菩薩道者雖有信樂有念有施有解有親近有行於阿耨多羅三耶三善亦不受持六波羅蜜無漚漚拘舍羅又不受持內空外空及有無空不受五通三十七品至薩云若亦不親近當知是人中道妨礙須菩提何等爲中道妨礙墮於羅漢辟支佛道譬如有人持成熟瓶若詣河井若詣陂池而行取水當知是人得水來歸安隱不失所以者

重

放光十七

五

才

何用瓶成熟故須菩提若有善男子善女人行菩薩道於阿耨多羅三耶三善有至信樂有施念解有行有慧受六波羅蜜漚漚拘舍羅親近薩云若當知是人至阿耨多羅三耶三善終無罣礙須菩提譬如大海有始成舩未牢棠治亦未莊筭便持財貨著於舩中乘

有所詣當知是舩不久中道而壞亡散財物各在一處用是賈客無有方便失所持物亡其大寶須菩提若有善男子善女人欲行菩薩事於阿耨多羅三耶三善雖有信樂信施念解於功德少得深般若波羅蜜亦不書持諷誦受學於六波羅蜜亦不受學亦不親近薩云若事無漚漚拘舍羅須菩提當知是人中道妨礙離失大寶大寶者薩云若是中道墮羅漢辟支佛道譬如智之人先治其舩筭莊牢固持物著中乘有所至當知是人必到所至得其珍寶安隱無失所以者何用舩完牢強所致若有善男子善女人行菩薩道

有大信樂有施有念有解有行於阿耨多羅三耶三善得深般若波羅蜜便受學書持誦誦守行於六波羅蜜皆有功德於薩云若意常親近乃成阿耨多羅三耶三善終不罣礙不墮羅漢辟支佛道須菩提譬如有人季百二十其人有病若風若寒熱於意云何其人寧能自起止行步不須菩提言世尊不能所以者何是人已老正使無病猶尚不能起止行步況復有病筋力消盡豈復能行有所至到須菩提若有善男子善女人行菩薩道於阿耨多羅三耶三善雖有信樂有施有念有能有行於六波羅蜜功德中少亦不親近薩

重

放光十七

十

佛言若有善男子善女人行菩薩道於阿耨多羅三耶三善有至信樂有能有施有行有慧於六波羅蜜皆有功德於薩云若意常親近有漚愁拘舍羅知是菩薩終不罣礙堪任於阿耨多羅三耶三善而不動轉墮聲聞辟支佛道也是時世尊嘆須菩提言善哉善哉為諸菩薩摩訶薩今問如來是事若有菩薩為吾我意想奉行六波羅蜜言我所為行六波羅蜜已便貢高菩薩作是行者終不得度六波羅蜜是善男子善女人亦不知彼岸亦不知此岸不為六波羅蜜所持不為薩云若所持中道墮羅漢辟支佛地亦不出生於薩云若須菩提云若菩薩無漚愁拘舍羅是善男子善女人行菩薩道不以漚愁拘舍羅行六波羅蜜於六波羅蜜皆有吾我想我有所為行六波羅蜜而自貢高何以故六波羅蜜中初無有是念有所分別有是念者常住此岸但知此岸不知彼岸不為六波羅蜜所持

亦不為薩云若所持中道墮羅漢辟支佛道亦不出生薩云若中須菩提如是菩薩不為漚瑟拘舍羅所持便墮羅漢辟支佛中須菩提云何菩薩行般若波羅蜜為漚瑟拘舍羅所持不墮羅漢辟支佛道成阿耨多羅三耶三善須菩提菩薩行六波羅蜜無吾我念於

重

七

才

六波羅蜜而不貢高何以故六波羅蜜中亦無有念亦不貢高菩薩知此岸知彼岸者為六波羅蜜所持為漚瑟拘舍羅所持出生薩云若不墮羅漢辟支佛道須菩提菩薩作如是行者為不墮羅漢辟支佛道為六波羅蜜所持為漚瑟拘舍羅所持為薩云若之所護

放光般若波羅蜜經隨真知識品第五十三  
爾時須菩提白佛言世尊新學菩薩云何學六波羅蜜佛告須菩提新學菩薩欲學六波羅蜜者當與真知識相隨常當承事又復當與能解說般若波羅蜜者相隨亦親近有能解說是般若波羅蜜者常當呼人勸助令學

六波羅蜜當守奉行當持是得阿耨多羅三耶三善莫於阿耨多羅三耶三善中批於五陰亦莫於阿耨多羅三耶三善中批六波羅蜜莫批於內外空及有無空莫批三十七品佛十八法莫批薩云若所以者何不批五陰者便逮得薩云若不批六波羅蜜者便逮得

薩云若不批內外空及有無空三十七品佛十八法者便逮得薩云若當言善男子行般若波羅蜜於五陰中莫起想著之意所以者何善男子是五陰非可著者亦莫於六波羅蜜有所著善男子六波羅蜜亦非可著者亦莫著於內空外空及有無空三十七品佛十八法乃至薩云若亦莫有著所以者何薩云若者亦非有著亦莫起著於須陀洹斯陀含阿那含阿羅漢辟支佛亦莫起著於菩薩乘亦莫起著於阿耨多羅三耶三善所以者何善男子是阿耨多羅三耶三善非可著者何以故諸法之相皆悉空故須菩提白佛言世

重

放光十七

八

尊菩薩摩訶薩甚謙苦於空無相之法發阿耨多羅三耶三善欲得阿惟三佛佛言如是須菩提菩薩甚謙苦於空無相之法發阿耨多羅三耶三善得阿惟三佛須菩提為世間故愍念世間安隱世間欲救世間一切眾生以眾生故發阿耨多羅三耶三善為世間歸為世間作護為世間作燈明故發阿耨多羅三耶三善為世間作將為世間導為世間舍為世間趣故發阿耨多羅三耶三善須菩提云何菩薩為諸眾生故發阿耨多羅三耶三善度脫五道安隱眾生著無畏岸坦然泥洹以是故為世間發阿耨多羅三耶三善云何菩薩欲安隱世間須菩提菩薩摩訶薩諸有眾生有苦惱憂悲者皆悉度著無憂之岸坦然泥洹是故菩薩為世間安樂須菩提云何菩薩為世間作救是菩薩摩訶薩世間諸有生死勤苦救世眾生令脫眾生以法教化次以三乘而度脫之是故菩薩為世間救須菩

提云何菩薩為世間護世間眾生有生死之法護令不生眾生皆有老病死法護使不老不病不死有憂悲者護念得至無餘泥洹是故菩薩發阿耨多羅三耶三善為世間護須菩提云何菩薩為世間舍是菩薩摩訶薩得阿耨多羅三耶三善阿惟三佛時為世間說諸法無礙是故菩薩為世間舍云何菩薩為世間燈明菩薩摩訶薩於三界冥中拔諸眾生令立泥洹是故菩薩為世間燈明云何菩薩為世間將是菩薩得阿惟三佛時為世間說色非我所是為非色痛想行識亦非我所是為非識乃至薩云若為非我所是為非薩

重

放光十七

九

云若須菩提如色非我是為非色如色非我諸法亦尔須菩提白佛言如世尊所說五陰非我所諸法亦尔如是菩薩為不逮覺諸法何以故色者無所分別乃至薩云若亦無所分別亦不言是五陰亦不言是薩云若佛告須菩提如汝所言五陰無所分別至薩云若



亦無所分別亦不言是五陰亦不言是薩云  
若須菩提是亦為大謙苦常行是法而不厭  
倦亦不懈怠菩薩言我亦當逮覺亦當持是  
清淨之法宣示未學者須菩提是故菩薩為  
世說非我所須菩提云何菩薩為世間者譬  
如江河洄海斷流絕域可止頓處是謂為渚

於人有益當來世去五陰兩斷當來過去薩  
云若亦兩斷如是斷者諸法亦斷諸法斷者  
當來過去亦斷如是斷者是則為淨是則為  
快是則為真實是則為空愛盡無猗無餘無  
塵是則為泥洹須菩提菩薩得阿耨多羅三  
耶三菩阿惟三佛時便分流是清淨法化真  
諦法化以濟眾生是故菩薩為世間者須菩  
提云何菩薩為世間將導菩薩得阿耨多羅  
三耶三菩阿惟三佛時為世間眾生說五陰  
法不生不滅不著不斷作是說法從須陀洹  
至阿羅漢辟支佛法為是輩說五陰不生五  
陰不滅持是法教流布世間須菩提是菩薩

得阿惟三佛時作是說法是為世間將導須  
菩提云何菩薩為世間趣菩薩得阿耨多羅  
三耶三菩阿惟三佛時說五陰如趣空說薩  
云若如趣空五陰空者則無所趣亦不趣亦  
不不趣何以故五陰與空亦不來亦不去作  
是說法者為眾生說薩云若空亦不來亦不  
去所趣而無所趣須菩提是故菩薩為世間  
趣須菩提何以故諸法過者如空一趣不復  
還何以故空亦無來亦無去諸法所至亦無  
有相亦無有願何以故相願一過不復還故  
相願亦不來亦不去諸法所至亦無所至亦  
無有行亦無有生亦無有滅亦無有著亦無

有斷如夢如幻如響如影如化如焰諸法亦  
如是一去亦不復還何以故化者亦無去亦  
無有來須菩提諸法所至無有邊際亦不復  
還諸法亦不動亦不動諸法亦不來亦不  
去諸法亦不合亦不散諸法無我無命無壽  
須菩提眾生尚無所有況當有法還須菩提

諸法所住有常諸法所住有樂諸法所住有  
 淨諸法所住有我諸法無常苦無淨非我諸  
 法所住者有姪怒癡見有身見是諸法住亦  
 如如住如法性住如真際住如普住如不思  
 議性住如不動移住是所住處亦不來亦不  
 去何以故諸法亦不來亦不去諸法住如五

陰何以故五陰尚不可見何況當有去來諸  
 法住如六波羅蜜是住亦無有還何以故六  
 波羅蜜尚不可見何況當有往還諸法住如  
 內外空及有無空如三十七品住如十八法  
 住如十八法亦無去亦無來諸法住如聲聞  
 辟支佛道住如阿耨多羅三耶三菩住亦無

往還何以故阿耨多羅三耶三菩無往還無  
 所有故須菩提白佛言世尊是深般若波羅  
 蜜誰能解者佛言菩薩摩訶薩從過去佛所  
 作功德供養無執數百千諸佛久與真知識  
 相得者是輩人能解是深般若波羅蜜耳須  
 菩提白佛言世尊菩薩摩訶薩有何等相能

重

放光十七

十一

才

解是深般若波羅蜜佛告須菩提若有菩薩  
 於姪怒癡斷者則是其相須菩提能解深般  
 若波羅蜜者姪怒癡像則為已斷也

放光般若波羅蜜經解深品第五十四

須菩提白佛言世尊菩薩摩訶薩解深般若  
 波羅蜜者為至何趣佛告須菩提菩薩摩訶

薩能解深般若波羅蜜者當趣薩云若須菩  
 提白佛言如薩云若所趣者是為菩薩摩訶  
 薩解深般若波羅蜜趣薩云若者則為一切  
 衆生作導須菩提言世尊念般若波羅蜜者  
 為不念諸法念般若波羅蜜者為無所念念  
 般若波羅蜜者為無端緒佛問須菩提念般

若波羅蜜者何等為無所念須菩提言世尊  
 念般若波羅蜜者五陰無所念念般若波羅  
 蜜者吾我衆生為無所念念般若波羅蜜者  
 六波羅蜜為無所念念般若波羅蜜者內空  
 外空及有無空三十七品佛十八法為無所  
 念念般若波羅蜜者須陀洹至薩云若為無

所念佛言善哉善哉如須菩提所言念般若波羅蜜者為不念五陰乃至薩云若為無所念須菩提六波羅蜜者是阿惟越致菩薩摩訶薩之所應護有菩薩行深般若波羅蜜不入六波羅蜜亦不入薩云若行般若波羅蜜者不隨他人語不信餘道亦不持作要阿維

越致菩薩摩訶薩行深般若波羅蜜不雜婬怒癡行深般若波羅蜜阿維越致菩薩摩訶薩初不離六波羅蜜聞說深般若波羅蜜時亦不恐懼亦不厭倦終不轉還常思念聞聞已受持諷誦守行應般若波羅蜜教須菩提當知是阿維越致菩薩前世已曾聞般若波

放光十七

十三

羅蜜中事亦諷誦受持已行中事何以故不恐不懼從久遠以來常行是深般若波羅蜜故須菩提白佛言世尊菩薩摩訶薩聞說深般若波羅蜜不恐不怖亦不動還者云何於行倍復增益佛言行般若波羅蜜者如應薩云若云何行般若波羅蜜應薩云若佛言如

依應空無相無願為應依深般若波羅蜜依深般若波羅蜜者如依虛空如依無所生如依無所滅不依於著而依於斷如依於如依於法性依於不思議依等無作如依夢須菩提白佛言世尊依般若波羅蜜者如依虛空如依夢者菩薩行深般若波羅蜜者不依五陰不依薩云若作行佛語須菩提菩薩行般若波羅蜜亦不依五陰亦不依薩云若五陰及薩云若亦無有作者亦非不作亦無來亦無去亦無所止亦無所作亦無所出亦無所入亦無有數亦無有限無數無限老亦無有能逮覺者從色至識無能逮覺者亦不從六波羅蜜能逮覺者亦非薩云然慧能逮覺者何以故五陰如薩云然如五陰與薩云然如俱等無異十八法薩云然如亦等無有異一等無有二

放光般若波羅蜜經卷第十七 重七